



Број: 01/4-50-3-4-44/17
Сарајево, 8.5.2017.

Z A P I S N I K

44. sjednice Komisije za finansije i budžet Predstavničkog doma Parlamentarne skupštine BiH, održane 8.5.2017., od 13,00 do 15,45 sati.

Sjednici Komisije prisustvovali su članovi: Predrag Kožul, Salko Sokolović, Nenad Lalić, Amir Fazlić, Dušanka Majkić, Aleksandra Pandurević, Jasmin Emrić, Mirsad Isaković i Damir Bećirović.

Sjednici su, također, prisustvovali: Vjekoslav Bevanda, ministar finansija i trezora BiH, Senad Softić, guverner Centralne banke BiH, Jelena Gotovac, predsjedavajuća, i Alma Salkić-Mijić, članica Ureda za razmatranje žalbi, Jasmin Pilica, zamjenik generalnog revizora u Uredu za reviziju institucija BiH, Josip Nevjestić, direktor, Branko Savatić, sekretar, i Gorana Krunić, koordinatorica za restrukturiranje banaka u Agenciji za osiguranje depozita BiH, Mirsad Šrndić, šef Odsjeka za poreze regionalnog centra Sarajevo pri Upravi za indirektno oporezivanje BiH, Maja Ribar, politička savjetnica u EUSR-u, Samir Mušović, konsultant Projekta SGIP USAID, Nenad Pandurević, sekretar Komisije za vanjsku i trgovinsku politiku, carine, saobraćaj i komunikacije Doma naroda PSBiH, Zoran Žuža, šef Odjela za informiranje u Sektoru za odnose s javnošću Sekretarijata PSBiH, Aida Kreho, stručna savjetnica za zakonodavno-pravna pitanja i pravo EU u Zakonodavno-pravnom sektoru Sekretarijata PSBiH, Bojan Milošević, volonter u PSBiH, Vlade Srdanović, stručni saradnik, te Željko Kosmajac, sekretar Komisije.

Sjednici su prisustvovali i predstavnici medija: Aida Kovač, novinarka FENE, Semira Degirmendžić, novinarka Dnevnog avaza, Ognjen Begović, novinar SRNE, Natalija Trbić, novinarka BHRT-a, Amina Čorbo-Zećo, novinarka PATRIA-e, Alen Karamešić, novinar TV Hayat, Aida Salčinović, novinarka Federalne televizije, Radan Škipina, novinar Radija RS, Vesna Stakić, novinarka RTRS-a, Ervin Mušinović, novinar Klix-a, Anja Grabovac, novinarka Oslobođenja, Larisa Omerčić, reporterka BHT1, Indira Kriještorac, novinarka TV Alfa, te Lamija Pojskić, novinarka Face TV.

Sjednicom je predsjedavao Predrag Kožul, predsjedavajući Komisije.

Za sjednicu je predložen sljedeći

DNEVNI RED

1. Usvajanje Zapisnika 43. sjednice Komisije;
2. Razmatranje Prijedloga zakona o izmjenama i dopunama Zakona o akcizama u Bosni i Hercegovini – prva komisijska faza (predlagač: Vijeće ministara BiH);
3. Razmatranje Prijedloga zakona o izmjenama i dopuni Zakona o uplatama na Jedinostveni račun i raspodjeli prihoda – prva komisijska faza (predlagač: Vijeće ministara BiH);
4. Razmatranje Prijedloga zakona o izmjeni Zakona o sistemu indirektnog oporezivanja u Bosni i Hercegovini – prva komisijska faza (predlagač: Vijeće ministara BiH);
5. Razmatranje Prijedloga zakona o osiguranju depozita u bankama Bosne i Hercegovine – prva komisijska faza (predlagač: Vijeće ministara BiH);
6. Razmatranje Godišnjeg izvještaja i finansijskih izvještaja Centralne banke BiH za 2016. godinu (sačinilac: Centralna banka BiH);
7. Razmatranje Izvještaja o radu Ureda za razmatranje žalbi za 2016. godinu (sačinilac: Ured za razmatranje žalbi);
8. Razmatranje Izvještaja aktivnostima Ureda za reviziju institucija BiH za 2016. godinu (sačinilac: Ured za reviziju institucija BiH).

Predloženi dnevni red usvojen je jednoglasno.

Ad.1. Usvajanje Zapisnika 43. sjednice Komisije

Zapisnik 43. sjednice Komisije usvojen je jednoglasno, bez primjedbi.

Ad.2. Razmatranje Prijedloga zakona o izmjenama i dopunama Zakona o akcizama u Bosni i Hercegovini – prva komisijska faza (predlagač: Vijeće ministara BiH)

Ad.3. Razmatranje Prijedloga zakona o izmjenama i dopuni Zakona o uplatama na Jedinostveni račun i raspodjeli prihoda – prva komisijska faza (predlagač: Vijeće ministara BiH)

Ad.4. Razmatranje Prijedloga zakona o izmjeni Zakona o sistemu indirektnog oporezivanja u Bosni i Hercegovini – prva komisijska faza (predlagač: Vijeće ministara BiH)

Na prijedlog predsjedavajućeg, Komisija je jednoglasno objedinila raspravu o tačkama 2., 3. i 4. dnevnog reda 44. sjednice Komisije za finansije i budžet Predstavničkog doma PSBiH.

Ministar finansija i trezora BiH Vjekoslav Bevanda obrazložio je Prijedlog zakona o izmjenama i dopunama Zakona o akcizama u Bosni i Hercegovini, Prijedlog zakona o izmjenama i dopuni Zakona o uplatama na Jedinostveni račun i raspodjeli prihoda i Prijedlog zakona o izmjeni Zakona o sistemu indirektnog oporezivanja u Bosni i Hercegovini.

Potom je predsjedavajući otvorio raspravu u kojoj su učestvovali: Jasmin Emrić, Dušanka Majkić, Damir Bećirović, Mirsad Isaković, Predrag Kožul, Salko Sokolović i Vjekoslav Bevanda, ministar finansija i trezora BiH.

Nakon rasprave, Komisija, s četiri glasa „za“ i pet glasova „protiv“, nije prihvatila principe:

- Prijedloga zakona o izmjenama i dopunama Zakona o akcizama u Bosni i Hercegovini iz razloga što bi usvajanje Prijedloga zakona imalo negativne efekte na privredu i standard građana BiH;

- Prijedloga zakona o izmjenama i dopuni Zakona o uplatama na Jedinostveni račun i raspodjeli prihoda iz razloga što Komisija nije prihvatila principe Prijedloga zakona o izmjenama i dopunama Zakona o akcizama u Bosni i Hercegovini, čije usvajanje je uslov za donošenje Prijedloga zakona o izmjenama i dopuni Zakona o uplatama na Jedinostveni račun i raspodjeli prihoda;

- Prijedloga zakona o izmjeni Zakona o sistemu indirektnog oporezivanja u Bosni i Hercegovini iz razloga što Komisija nije prihvatila principe Prijedloga zakona o izmjenama i dopunama Zakona o akcizama u Bosni i Hercegovini, čije usvajanje je uslov za donošenje Prijedloga zakona o izmjeni Zakona o sistemu indirektnog oporezivanja u Bosni i Hercegovini.

Ad.5. Razmatranje Prijedloga zakona o osiguranju depozita u bankama Bosne i Hercegovine – prva komisijska faza (predlagač: Vijeće ministara BiH)

Prijedlog zakona o osiguranju depozita u bankama Bosne i Hercegovine obrazložio je ministar finansija i trezora BiH Vjekoslav Bevanda.

Potom je predsjedavajući otvorio raspravu u kojoj su učestvovali: Mirsad Isaković, Aleksandra Pandurević, Predrag Kožul i Josip Nevjestić, direktor Agencije za osiguranje depozita BiH.

Nakon rasprave, Komisija je, sa šest glasova „za“, dva glasa „protiv“ i jednim glasom „suzdržan“, prihvatila principe Prijedloga zakona o osiguranju depozita u bankama Bosne i Hercegovine.

Ad.6. Razmatranje Godišnjeg izvještaja i finansijskih izvještaja Centralne banke BiH za 2016. godinu (sačinilac: Centralna banka BiH)

Godišnji izvještaj i finansijske izvještaje Centralne banke BiH za 2016. godinu obrazložio je Senad Softić, guverner Centralne banke BiH.

Potom je predsjedavajući otvorio raspravu u kojoj su učestvovali: Dušanka Majkić, Predrag Kožul, Mirsad Isaković i Senad Softić, guverner Centralne banke BiH.

Nakon rasprave, Komisija je jednoglasno prihvatila Godišnji izvještaj i finansijske izvještaje Centralne banke BiH za 2016. godinu.

Ad.7. Razmatranje Izvještaja o radu Ureda za razmatranje žalbi za 2016. godinu (sačinilac: Ured za razmatranje žalbi)

Izvještaj Ureda za razmatranje žalbi za 2016. godinu obrazložila je Jelena Gotovac, predsjedavajuća Ureda za razmatranje žalbi.

Potom je predsjedavajući otvorio raspravu u kojoj su učestvovali: Dušanka Majkić, Nenad Lalić, Amir Fazlić, Predrag Kožul i Jelena Gotovac, predsjedavajuća Ureda za razmatranje žalbi.

Nakon rasprave, Komisija je jednoglasno prihvatila Izvještaj o radu Ureda za razmatranje žalbi za 2016. godinu.

Također, Komisija je većinom glasova usvojila sljedeći zaključak:

1. „Predstavnički dom Parlamentarne skupštine BiH traži od Vijeća ministara BiH da najkasnije do 30.6.2017. napravi analizu osnovnih problema u izvršenju planskih zadataka u Uredu za razmatranje žalbi BiH i predloži rješenje za njihovo prevazilaženje, o čemu treba pismeno upoznati Komisiju za finansije i budžet Predstavničkog doma Parlamentarne skupštine BiH.“

Ad.8. Razmatranje Izvještaja o aktivnostima Ureda za reviziju institucija BiH za 2016. godinu (sačinilac: Ured za reviziju institucija BiH)

Izvještaj o aktivnostima Ureda za reviziju institucija BiH za 2016. godinu obrazložio je Jasmin Pilica, zamjenik generalnog revizora u Uredu za reviziju institucija BiH.

Potom je predsjedavajući otvorio raspravu u kojoj su učestvovali: Dušanka Majkić, Predrag Kožul i Jasmin Pilica, zamjenik generalnog revizora u Uredu za reviziju institucija BiH.

Nakon rasprave, Komisija je jednoglasno prihvatila Izvještaj o radu Ureda za reviziju institucija BiH za 2016. godinu.

Također, Komisija je primila k znanju dopis Komisije za finansije i budžet Doma naroda broj 02/03-50-24-36,7/17, od 25.4.2017., u vezi s revizijom godišnjih finansijskih izvještaja Ureda za reviziju institucija BiH. Nakon toga, članovi Komisije načelno su se usaglasili o potrebi za pokretanjem revizije godišnjih finansijskih izvještaja Ureda za reviziju institucija BiH, o čemu će biti razgovarano i na narednim sjednicama Komisije za finansije i budžet Predstavničkog doma.

Sekretar Komisije

Željko Kosmajac

Predsjedavajući Komisije

Predrag Kožul

Prilog: Neautorizirani transkript 44. sjednice Komisije za finansije i budžet PDPSBiH